



mjesečni Bilten



juli
srpanj
2023.

290

omladinska mreža bosne i hercegovine
ISSN 2831 - 0845

Dragi prijatelji/ce,

Predstavljamo vam julsko izdanje (broj 290) mjesečnog informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine.

Bilten izlazi na bosanskom-crnogorsko-hrvatsko-srpskom i engleskom jeziku.

Bilten sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:

www.orctuzla.ba



SADRŽAJ

Aktivnosti u julu.....	2
Planovi za avgust.....	10
Aktivnosti članova mreže.....	11
Saopštenja/informacije/donatori/pozivi.....	19

Uživajte u čitanju!

AKTIVNOSTI ORC/HCA U JULU



Izgradnja ravnopravnosti – sa adolescenticama i za njih

U Sarajevu se 4. i 5. Jula 2023. godine održala dvodnevna radionica za organizacije civilnog društva, angažovanih na realizaciji UNICEF-ove strategije za adolescentice 2023 - 2025. Radionica je organizirana kako bi partneri i predstavnice i predstavnici organizacija koje vode mladi podijelili iskustva iz svojih postojećih inicijativa, te se informirali o postojećim prioritetima UNICEF-a u vezi sa učešćem adolescentica i adolescenata u programima koji ih se direktno tiču. Naš rad i iskustvo su drugog dana predstavile **Mirela Biković i Suzana Dušanić**.



CAT Bosna i Hercegovina

Tokom mjeseca jula, nastavili smo sa našim redovnim aktivnostima u sklopu projekta „CAT – Bosna i Hercegovina“.

Naši mačići su nastavili da oduševljavaju javnost na društvenim mrežama sa mnogo meme-ova, poziva na seminare, pozitivnih priča o mladima iz Bosna i Hercegovine. Ovaj mjesec smo se malo našalili i na svoj račun.

Ukoliko još uvijek ne pratite naše mačke – pozivamo vas da to učinite na:

[Facebook](#), [Web Portal](#), [Instagram](#) i [Youtube kanal](#).



Reading between the lines/Čitanje između redova, Gradačac



Mladi od 15 do 30 godina sa područja Gradačca, Modriče, Orašja, Odžaka i Brčkog su imali priliku da 5. jula 2023. godine nauče kako kritički konzumirati medijski saržaj sa kojim se svakodnevno susreću.

Trenerica na događaju je bila prof. **Vesima Čičkušić**, doktor žurnalističkih nauka, a događaj je moderirao/facilitirao **Ammar Grabić**, izvršni

predsjednik Omladinske novinske asocijacije u BiH (ONAuBiH) i član ORC Tuzla.



Is crtavanje murala Jezik ljubavi u Kalesiji

Pored toga što su CAT-ovci kreativni prilikom kreiranja sadržaja za društvene mreže, tokom ovog mjeseca su se testirali i putem iscrtavanja murala prijateljstva mladih iz Kalesije i Tuzle.

Volonteri iz udruženja Trik Kalesija i naši **Slobodan Blagovčanin, Mirela Biković, Ammar Grabić i Suzana Dušanić** su 6.7.2023. godine zasukali rukave i pustili svojoj kreativnosti na volju. Dok smo ukrašavali njihove prostorije, nije nedostajalo smijeha, nesprenih trenutaka i nekoliko "umjetničkih izvanrednosti". Ko bi rekao da se mačke mogu upetljati u kante boje?



Radionica o medijskoj pismenosti

Naš intenzivan ritam rada se nastavio i 7. jula 2023.godine, sa radionicom o medijskoj pismenosti koju nam je pripremio i vodio naš **Slobodan Blagovčanin**. Prisutni su imali priliku da nakon međusobnog upoznavanja odrade dva kviza i testiraju koliko su medijski pismeni. Kasnije nam je uslijedilo i upoznavanje sa alatima koje možemo koristiti da bismo prepoznali dezinformacije i lažne vijesti.





Konferencija “Korak po korak do boljih politika prema mladima u Federaciji BiH”

Vijeće mladih Federacije Bosne i Hercegovine je 10.7.2023. godine je održalo konferenciju “Korak po korak do boljih politika prema mladima u Federaciji BiH”, koja se realizovala u sklopu projekta **G(a)rant mladih**, uz podršku Instituta za razvoj mladih KULT.



Konferencija je okupila predstavnike institucija zakonodavne i izvršne vlasti na kantonalnom i federalnom nivou, kao i mlade širom Federacije Bosne i Hercegovine, među kojima je bio i naš **Ammar Grabić**.

Nakon izlaganja Preliminarne analize Zaključaka i preporuka kojom je ustanovljeno da je većina Zaključaka i preporuka na čekanju, ističući da je Federalno ministarstvo poljoprivrede jedino ministarstvo koje je u potpunosti implementiralo Zaključak koji se odnosi na: *“Zadužuje se Federalno ministarstvo poljoprivrede i Federalno ministarstvo okoliša i turizma da izdvoje više sredstava za projekte iz oblasti poljoprivrede i turizma kao značajan potencijal za preduzetništvo i zapošljavanje te izrade programe promocije i neophodne edukacije”* Dok je Hercegovačko – neretvanski kanton u potpunosti ispunilo Zaključak koji se odnosi na: *“Predlaže se skupštinama Srednjobosanskog kantona, Hercegovačko – neretvanskog kantona, Bosansko – podrinjskog kantona, Posavskog kantona, Zapadno – hercegovačkog kantona i Kantona 10 da kreiraju i usvoje strategiju prema mladima u skladu sa važećim odredbama Zakona o mladima Federacije BiH i nadležnostima kantona.”*, te je time jednoglasno usvojena Strategija za mlade u aprilu 2023. godine za period 2023. – 2028. i akcioni plan za 2023. godinu.



NATO Public Forum, Vilnius

Direktor Omladinskog resursnog centra Tuzla, **Miralem Tursinović** bio je jedini predstavnik nevladinog sektora iz BiH na nedavno održanom Javnom forumu NATO-a u Vilniju, Litvanija.

Šefovi država i vlada NATO-a sastali su se na Samitu NATO-a 11. i 12. jula u Vilniju u Litvaniji, a kako bi razgovarali o trenutnom sigurnosnom okruženju. Tim povodom je organiziran i javni forum NATO-a, za koji je pokazana velika zainteresiranost svih zemalja iz regije. Jedina nevladina organizacija iz Bosne i

Hercegovine, ali i zemalja u regiji koja je pozvana da sudjeluje na formu je Omladinski resursni centar iz Tuzle.



Cilj javnog NATO foruma je bolje razumijevanje politike i ciljeva NATO-a kroz dijalog i angažiranje s raznolikom skupinom zainteresiranih strana, od šefova država, predstavnika vlada i ministarstava do međunarodnih stručnjaka za sigurnost, kreatora mišljenja, akademika, mladih ljudi, novinara u nizu panel diskusija, debata i interaktivnih sesija o različitim temama na dnevnom redu NATO-a.



RYConnecting You(th) Info sesija



Na poziv Regionalne kancelarije za saradnju mladih (RYCO), međuvladine organizacije koja upravlja i promovise izgradnju mira, pomirenje i saradnju kroz programe razmjene mladih u regionu Zapadnog Balkana (Albanija, Bosna i Hercegovina, Kosovo*, Crna Gora, Sjeverna Makedonija i Srbija), naše **Mirela Biković i Suzana Dušanić** su prisustvovala informativnoj sesiji otvorenog poziva RYConnecting You(th).

Originalni poziv možete pronaći na idućem linku:

<https://www.rycowb.org/ryconnecting-youth-open-call-for-project-proposals-for-cso/>



Mural prijateljstva mladih Prnjavora i Tuzle

Svoju su kreativnost naši mačići, **Ammar Grabić**, **Mirela Biković** i **Suzana Dušanić**, nastavili ispoljavati i u drugim gradovima Bosne i Hercegovine, a 17. i 18.7.2023. godine su se odlučili da svoje otiske šapa ostave u Prnjavoru. Ovaj put su a mladima iz **Omladinskog centra Prnjavor** na sebe preuzeli nešto veći projekat farbanja, a to je bio košarkaški teren.





Završetak projekta „Moj zeleni otisak“

Nakon dvomjesečne implementacije projekta „**Moj zeleni otisak**“, koji je podržala **Fondacija tuzlanske zajednice** u okviru projekta „**Naša zajednica je naša odgovornost**“, kojeg na području TK provodi uz podršku **USAID-a**, u okviru programa **Snaga lokalnog**, možemo reći da je zaključno sa mjesecom julom uspješno završen.




Ovom prilikom zahvaljujemo **Fondaciji tuzlanske zajednice**, koja je ponovo podržala ideju naših članova udruženja, te pružila platformu za učenje cjelokupnog procesa pisanja i implementacije projektnog prijedloga. Na projektu smo aktivno uključili 20 mladih ljudi koji su imali priliku da se mobilizuju po pitanju ekologije, te da podignu svoju svijesti o negativnim ekološkim efektima svakodnevnih radnji.



Nova sezona CAT patrole

Kao šlag na kraju, zvanično možemo da vas obavijestimo da nam se već dobro poznata **CAT Patrola** naše **Mirele Biković** vraća na naše društvene mreže. Prvu epizodu možete pronaći u cjelosti na našem YouTube kanalu. U prvoj emisiji smo otišli u sunčani Mostar i razgovarali sa mladim poduzetnikom i voditeljem najpoznatijeg podcasta na Balkanu, Davidom Čerkezom.





Ammar G Show

Našoj kreativnosti nema kraja, a to se ogleda i u najavi nove krativne emisije naših vrijednih mačaka. **Ammar Grabić** vam ovog ljeta donosi novu emisiju pod nazivom **Ammar G Show**, koja će vas provesti kroz sve emocije i stanja uma. Vjerujemo da se već pogledali najavu emisije, ali za one koji još nisu imali priliku da pogledaju istu mogu pronaći klikom na sliku.



Radionica na Kaleidoskop festivalu



Imali smo tu čast da sa radionicom **“Tips & tricks for social media management”** koju je vodila naša **Suzana Dušanić**, upravo i zatvorimo edukativni segment Međunarodnog festivala umjetnosti mladih **Kaleidoskop**, u subotu, 29.7.2023. godine.

Učesnici su nakon neformalnog upoznavanja imali priliku da testiraju svoje znanje putem dva kviza, Kahoot kviza o društvenim mrežama, te kvizom medijske pismenosti na stranici Raskrinkavanje.ba.

Nakon testiranja svog znanja, naša članica Suzana im je predstavila korake u snimanju TikToka i Reelsa, te predstavila važnost korištenja plana objava tokom projektnog ciklusa. Nakon teorijskog dijela, uslijedila je i kratka vježba kreiranja dvomjesečnog plana objava za društvene mreže.

REDOVNE AKTIVNOSTI ORC I HCA TUZLA

Tokom jula smo radili na održavanju i razvoju komunikacija i koordinacije unutar Omladinske mreže Bosne i Hercegovine (www.orctuzla.ba). U okviru toga smo svakodnevno na mejling listu mreže (omladina@orctuzla.ba), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH. Vršili smo korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH. Isto tako, naš projektni tim nastavio je sa apliciranjima za projekte.

PLANOVI HCA/ORC-A ZA AVGUST 2023.

- ❖ Nastavak ostalih aktivnosti u okviru projekta CATNet.
- ❖ Ovaj projekat je realiziran zahvaljujući podršci **Bosnia and Herzegovina Resilience Initiative (BHRI)**, projekat kojeg implementira **Međunarodna organizacija za migracije (IOM)**, a kojeg finansira **Austrijska razvojna saradnja.**
- ❖ Održavanje sastanka Upravnog odbora ALF BiH;
- ❖ Nastavak na izvještavanju urađenih projekata, te pripremanju za fundraising novih;
- ❖ Eventualni slobodni dani za „umorne ratnike“

Ekipa ORC Tuzla, kao i naši mačići, vam žele da se ugodno provedete tokom ovih toplih ljetnih dana, napunite baterije, odmorite se, malo pocrnite (a ne izgorite)... 😊 😊 😊 😊



AKTIVNOSTI ČLANICA OMLADINSKE MREŽE BiH



Centar za mlade INPUT
Ul. Mokušnice 10, 72000 Zenica
Tel./fax: +387 +387 62 116 343 www.inputcentar.com
info@inputcentar.com
E-mail: info@inputcentar.com



Otvorena CoderDojo škola programiranja za mlade u Centru za mlade INPUT

Dana 13.07.2023. godine u Centru za mlade INPUT je održan prvi čas Coder Dojo škole programiranja koja se realizuje u saradnji sa **Bit Alijansom** i **Centrom za mlade INPUT** već treći put u Gradu Zenici u prostorijama Centra za mlade INPUT, a u okviru "Ljeta u Centru za mlade INPUT".



Krenuli smo 2018. sa prvom generacijom i 2019. godine sa drugom generacijom nakon čega je uslijedila pauza zbog pandemije od 2020. Ali evo došao je trenutak da u saradnji sa Bit Alijansom opet pokrenemo ovaj izvrstan projekat kako za djecu i mlade tako i za studente tehničkih fakulteta, koji će voditi obuku. Pored usvajanja novog znanja, cilj ovog projekta je upoznati učenike o mogućnostima koje nudi IT poslovni sektor te ih motivisati da koriste svaku priliku za učenje i usavršavanje IT vještina. Značajan podatak predstavlja činjenica da se većina polaznika izjasnila da će i u budućnosti nastaviti sticati znanja iz oblasti informacionih tehnologija. Izjavio je Adi Salčinović, profesor, koordinator CoderDojo škole programiranja za Grad Zenicu i predsjednik Centra za mlade INPUT iz Zenice.

Polaznicima se obratio i gospodin **Damir Maglajlić**, izvršni direktor Bit Alijanse sa naglaskom koliko je bitno obrazovanje iz oblasti IT, i koliko su samo stručnjaci iz IT traženi.

Ovo je jedan izuzetan projekat i zaista smo posebno zahvalni Centru za mlade INPUT koji zaista brine za afirmaciju, angažman i edukaciju mladih, a i nas studenata Softverskog inženjerstva, koji su nam pružili mogućnost da u INPUT Centru odradimo i praksu i dali nam već znanja iz oblasti IT i edukacija tako da ćemo i mi moći prenijeti svoja znanja na mlađu populaciju. -Izjava studenata koji će voditi obuku.



Bedžomanija art

U okviru Ljeto u Centru za mlade INPUT održana je radionica na kojoj su djeca i mladi uživali kao i imali priliku da pokažu svoju kreativnost, vještine i nauče nešto novo. Kako da naprave i urede svoj bedž i kako da rade i dizajniraju sa 3D olovkama.



Prvi YOUth meet up u Centru za mlade INPUT sa Adnanom Muzurovićem

Dana 03.07.2023.godine sa početkom u 18 h održan je prvi YOUth meet up sa **Adnanom Muzurovićem**, zaljubljenikom u gaming i osnivačem i voditeljem portala www.gameground.ba u prostorijama Centra za mlade INPUT.

Adnan je prisutnim mladim ljudima prezentovao svoj rad iz oblasti gaming scene, veoma lijepo opisao mlade ljude iz BiH koji se bave gamingom, dizajniraju ili programiraju igrice, kako oni to profesionalno rade i zarađuju od toga.

Adnan Muzurović je bio veoma inspirativan govornik i prezentator, da se očito moglo vidjeti na licima mladih da su uživali.



Drugi YOUth Meet up u Centru za mlade INPUT sa Mr.sc. Tajibom Babićem

YOUth Meet up sa **Mr.sc.Tajibom Babićem**, dipl.psihologom održan u petak 21.07.2023. godine u prostorijama Centra za mlade INPUT uz jako lijepu i ugodnu atmosferu kao i interakciju mladih koji su bili prisutni.

Zahvaljujemo se Mr.sc.[Tajib Babić](#), dipl.psiholog što je bio gost drugog YOUth Meet up u okviru Manifestacije " Ljeto u Centru za mlade INPUT".



Institut za razvoj mladih KULT



4th Viteške brigade

34 – 36 BA, 71210 Ilidža, Sarajevo

Tel: +387 33 778 778.

Fax: +387 33 778 79

E-mail: kult@mladi.org,

web: www.mladi.org



UMiD Alumni: Uspomene ne blijede ni poslije nekoliko godina

U Sarajevu je organizirano prvo okupljanje Uči, Misli i Djeluj! UMiD Alumni zajednice. Jedan tmurni sarajevski vikend osunčale su godinama, pa čak i decenijama pažljivo čuvane uspomene na jednogodišnje UMiD iskustvo koje polaznici ranijih generacija najčešće opisuju kao godinu zabave, pozitivnih priča, dobre atmosfere, sjajnih mladih ljudi i mnoštva novih znanja. Mladi koji prođu ovu obuku su često stava da im učešće u obuci promijeni život.

Imajući na umu to da se već duži period među polaznicima spominje potreba za uspostavljanjem Alumni zajednice, ideja okupljanja i prvog sastanka bila je upravo da se zajedno sa prisutnima postave prvi temelji za stabilno djelovanje UMiD Alumnija. Na sastanku su predstavljene ključne razloge za uspostavu ove zajednice, te je diskutovano o načinima njenog djelovanja, strukturi i narednim



koracima potrebnim za aktivno djelovanje. Ideja UMiD Alumni zajednice jeste i da se kreira mreža osnaženih ljudi, profesionalaca u različitim oblastima, koji žele iz svojih današnjih uloga podržavati i stvarati nove prilike za mlade koji trenutno prolaze ili će u budućnosti prolaziti UMiD obuku.

Od 2005. godine do danas, kroz 17. generacija obuku UMiD pohađalo je preko 400 polaznika. Danas se osobe koje su završile obuku nalaze u različitim državama širom svijeta, kao i na veoma značajnim pozicijama unutar Bosne i Hercegovine. Profili polaznika ranijih generacija veoma su šaroliki tako da imamo polaznike koji su novinari, političari, izabrani zvaničnici, istaknuti omladinski radnici, preduzetnici, socijalni radnici, psiholozi, sportisti, doktori, itd.

Institut za razvoj mladih KULT je ponosan što UMiD uspomene ne blijede jer polaznike vežu iste vrijednosti bez obzira na to da li su UMiD završili prije godinu ili sedamnaest godina. A svi oni koji su bili spriječeni doći na okupljanje, mogu to planirati u mjesecu septembru. Za učešće potrebno se registrovati OVDJE. Jednom UMiD, uvijek UMiD!



Uspješno završena 1. Konvencija o radu s mladima – Šta slijedi?

Prva Konvencija o radu s mladima u Bosni i Hercegovini rezultirala je brojnim preporukama i zaključcima koji iskazuju stavove većine učesnika s ciljem da se svim akterima, posebno donosiocima odluka i javnosti pošalje poruka o važnosti rada s mladima, važnosti prepoznavanja svih aktera, te uključivanja BiH u aktuelne programe u regiji i Evropi.

Iako omladinski sektor BiH prati evropske programe, aktivnosti i Bonski proces, njegova provedba u BiH još nije adekvatno započela, a veliki dio evropskih programa za mlade u BiH primjenjuje se tek djelomično. Događaj je okupio sve one koji žele da se njihov glas čuje, s ciljem aktualiziranja važnih pitanja vezanih za omladinski sektor i omogućavanja novih partnerstava, poznanstava i zajedničkih inicijativa.

U mjesecu septembru, održaće se i 'follow up' događaja, gdje će se učesnici ponovo susresti na jedan malo drugačiji način, kako bi razgovarali o primjeni korisnih savjeta koje su ponijeli sa ovog događaja, te kako bi se pronašao dodatni prostor za podršku i unapređenje njihovog rada.



Razgovarajući o mogućim poboljšanjima kada je riječ o radu s mladima, učesnici podijeljeni u nekoliko grupa dali su preporuke i zaključke, na kojima će se raditi u periodu koji slijedi. Preporuke i zaključke učesnici su posvetili široj zajednici (medijima, akademskoj zajednici, vjerskim zajednicama, istraživačima koji se bave pitanjima mladih i profitnom sektoru), institucijama vlasti i donosiocima odluka, omladinskom sektoru i mladima. Sve preporuke i zaključci do kojih su učesnici došli dostupni su [OVDJE](#).

Prvu konvenciju o mladima u Bosni i Hercegovini organizirao je **Institut za razvoj mladih KULT** uz podršku **Ambasade Švedske u BiH**.



Kafa sa Janom Waltmansom – o stanju u BiH i borbi protiv korupcije

Borba protiv korupcije i politička situacija u Bosni i Hercegovini bili su u fokusu događaja “Kafa sa ambasadorom Kraljevine Nizozemske **NJ.E. Janom Waltmansom**”, a događaju su prisustvovali i polaznici Institutive obuke „Uči, misli i djeluj“ (UMiD).

Ambasador se osvrnuo na iskustva Kraljevine Nizozemske u borbi protiv korupcije i ukazao na štetan utjecaj koji korupcija ima na budućnost i perspektivu mladih ljudi u BiH, a naveo je i primjere prisutnosti korupcije u svim oblastima života. Na događaju je razgovarano i o trenutnoj političkoj situaciji u BiH, a mlade je posebno zanimalo djelovanje međunarodne zajednice u našoj zemlji i potezima koji se trebaju poduzeti da bi stanje bilo bolje. Posebno je naglašena uloga i značaj mladih na putu BiH ka Europskoj uniji, te je zaključeno da su informirani, educirani i aktivni mladi ljudi najvažniji za mijenjanje društva i političke situacije u zemlji.



Mladi su i na ovoj „Kafi sa...“ pokazali veliko interesovanje za razgovor o korupciji, ali i o diplomatskim aktivnostima Ambasade Kraljevine Nizozemske u BiH, a dokaz tome su bila i brojna pitanja upućena ambasadoru. Ambasador je istaknuo da je važno okupljati mlade i sa njima razgovarati, kako bi kroz svakodnevnu razmjenu informacija učili o korupciji i bili motivirani da djeluju.

Ovaj događaj je dio aktivnosti u okviru inicijative **Reci NE korupciji u Kantonu Sarajevo**, koju realizira **Institut za razvoj mladih KULT**. Inicijativa se provodi uz podršku **Ambasade Kraljevine Nizozemske**, te nastoji privući pažnju javnosti, ukazati na štetnost korupcije na život pojedinaca, ispitati stavove građana i mladih o korupciji te pružiti osnovne informacije o borbi protiv korupcije.

**OMLADINSKA ORGANIZACIJA "SVITAC"**

Ul. Jusufa Čampare bb, 76100 Brčko Distrikt BiH

Tel./Fax: +387 49 211 032

E-mail: svitac@gmail.netWeb: www.svitac.orgFB: www.facebook.com/omladinska.svitac**Dnevne radionice**

Omladinska organizacija Svitar je nastavila sa svakodnevnim interaktivnim i online aktivnostima. Mlađi učesnici su radili kreativne i edukativne stvari prilagođene uzrastu, uz pomoć lokalnih i međunarodnih volontera. Ovaj mjesec su razgovarali o kopnenim životinjama, puževima, glodarima i gmizavcima; izradili su ih tematski od papira, kartona i ukrasnog materijala. Najmlađi učesnici su uživali u kreativnom dijelu i modeliranju buketa cvijeća, vretenaca, dinosaurusu i duga. Grupa je nastavila sa muzičkim radionicama, uvježbavanjem ritmova i pjesmom o gusjenicama. Učesnici su nastavili da uče i pišu brojeve; ovog mjeseca su naučili pisati brojeve od 5-8. Radili su vježbe zagrijavanja i jogu za djecu, a svakog su četvrtka plesali, bavili se sportom i vježbali čitanje i slušanje priča. Cilj ovih edukativnih aktivnosti je da djeca razviju maštu i da koristeći razne materijale izraze svoju kreativnost, te da razviju motoriku, pamćenje, osjećaj tolerancije i poštovanje prema drugima i usvoje lijepo ponašanje. Sve radionice su implementirane uz edukativnu vizuelnu metodu sa slikama i videom.



Uzrast 13+ je učestvovao u diskusijama/radionicama na teme: marginalizacija, diskriminacija, kulturne raznolikosti, koncept ljepote i omiljene knjige. Na ovaj način želimo mladima pružiti siguran i neutralan prostor, u kojem mogu reći svoje mišljenje.

Na engleskim i njemačkim radionicama su učili upotrebu razdvojenih i modalnih glagola, upitnih rečenica, osnove deklinacije pridjeva, vokabular novih riječi vezanih za ljeto i praznike, pisali diktate, čitali i prevodili kratke tekstove i fraze, radili na vježbanju svakodnevne komunikacije i gramatike, učili novi vokabular, te radili na zanimljivim prezentacijama i projektima.



SVITAC Radionice gitare

Učesnici radionica gitare su nastavili rad na pripremljenim vježbama, tehnikama, etidama, kompozicijama, improvizaciji i pjesmama.



SVITAC Radionice sambe

Grupa je radila na tri nove ideje: "Advocado", "Feedback" i "Partido Alto".

Za avgust se planira nastavak svih aktivnosti Omladinske organizacije Svitac.

INFORMACIJE / NAJAVE / DONATORI / POZIVI

1. Otvorene su prijave na četvrtu Školu političkog aktivizma!

Omladinski pokret Revolt poziva mlade, aktiviste i aktivistice sa područja cijele Bosne i Hercegovine da se pridruže Ljetnoj školi političkog aktivizma, sedmodnevnoj edukaciji koja za cilj ima podizanje nivoa političke pismenosti mladih i poticanje mladih na aktivno učešće u procesima donošenja odluka, a koja će biti održana u periodu 11-17. septembra u Tuzli.

Poziv je otvoren za sve koji/e ispunjavaju sljedeće uslove:

- Mlada osoba (17-30) iz Bosne i Hercegovine
- Mogućnost obaveznog prisustva na 80% predavanja u okviru Škole
- Otvorenost za aktivan rad i izvršavanje zadataka koji budu sastavni dio programa Škole.

Edukacija će tokom sedmodnevnog programa obraditi različite teme:

- civilno društvo i građanska hrabrost
- politička nauka, kompasi i ideologije
- mediji u demokratiji
- izbori i izborni proces
- politička pismenost
- zelene i ekološke politike
- politička ekonomija.

Sve teme bit će prezentovane od strane iskusnih pojedinaca/ki i eksperata/kinja – profesori/ce, analitičari/ke, dugogodišnji/e aktivisti/ce – dajući konkretan uvid u najbitnije aspekte i praktičnu primjenu svake od tema.

Organizatori/ce snose troškove smještaja, hrane i prijevoza. Broj učesnika/ca je ograničen, a prijaviti se mogu putem linka: <https://forms.gle/oqQae81YKJfd3vyQ8>

Rok za prijavu je 14.08.2023. godine.

Za sva dodatna pitanja, učesnici se mogu obratiti na e-mail adresu: revolt.tuzla@gmail.com ili na broj telefona +38762355326.

2. Ukupno 300.000 eura za civilno društvo na Zapadnom Balkanu



RYCONNECTING YOU(th): Otvoren poziv za podnošenje prijedloga projekata za OCD (Tirana, 10 jul 2023.) – Dobre vijesti stižu iz Tirane za organizacije civilnog društva (OCD) na zapadnom Balkanu. Regionalni ured za saradnju mladih (RYCO) pokrenuo je novi otvoreni poziv za podnošenje prijedloga projekata za OCD, pod nazivom „RYCONNECTING YOU(th)“. Ovo je peti put da RYCO organizuje Otvoreni poziv za OCD u regionu u poslednjih sedam godina.

Otvoreni poziv RYCONNECTING YOU(th) ima dvije glavne tematske oblasti: Izgradnja mira i pomirenje i Osnaživanje mladih i angažman u društvu. Opšti cilj je podrška civilnom društvu na Zapadnom Balkanu da podstakne pomirenje, izgradnju mira, regionalnu saradnju i interkulturalno učenje pružajući mladim ljudima mogućnosti koje stvaraju prostor za dijalog, uzajamno učenje i veće razumijevanje u cijelom regionu.

Ukupna finansijska koverta za ovaj poziv je 300.000 eura, dok je veličina grantova između minimalno 15.000 eura i maksimalno 30.000 eura. Pravo na prijavu imaju neprofitne OCD, osnovane na Zapadnom Balkanu 6 (WB6): Albanija, Bosna i Hercegovina, Kosovo*, Crna Gora, Sjeverna Makedonija i Srbija, koje postoje najmanje godinu dana prije pokretanja ovog poziva za podnošenje predloga.

RYCO prepoznaje dodanu vrijednost saradnika koji mogu podržati partnerstvo u daljem postizanju ciljeva i ishoda svojih projekata, tako da se OCD mogu udružiti sa sljedećim suradnicima iz WB6: kulturnim institucijama (privatnim i javnim), sportskim udruženjima i organizacijama u oblast sporta, sindikati, obrazovne institucije kao što su univerziteti i instituti (javni i privatni), neformalne grupe mladih sa dokazanim iskustvom u radu sa i za mlade.

Rok za podnošenje prijave je 15. avgust 2023. Više informacija o Otvorenom pozivu RYCOConnecting You(th) dostupno je na web stranici www.rycowb.org

RYCO je međuvladina organizacija koja se bavi izgradnjom mira, pomirenjem i saradnjom u regionu kroz programe razmjene mladih. Osnovale su ga vlade WB6 u julu 2016. u okviru Berlinskog procesa. RYCO-ov program fokusira se na stvaranje mogućnosti za mlade ljude da se uključe u aktivnosti koje grade međusobno razumijevanje i pomirenje u građanskom, društvenom, obrazovnom, kulturnom i sportskom domenu. RYCO inicira i učestvuje u kreiranju politike i zalaže se za reformu. Podržava razvoj političkog i društvenog okruženja koje osnažuje i olakšava razmjenu mladih.

*Ova oznaka ne prejudicira stavove o statusu i u skladu je sa Rezolucijom Savjeta bezbjednosti Ujedinjenih Nacija 1244 i Mišljenjem Međunarodnog suda pravde o Deklaraciji o nezavisnosti Kosova.

3. KUVI Dijalog u Tuzli

Udruženje **Pravi Požar** i **Omladinski resursni centar Tuzla** poziva sve građane i građanke Tuzle na trosatnu radionicu KUVI dijaloga: Veterani i mladi.



The poster features a white dove in flight against a dark background with a grid of white dots. Text on the poster includes: '11.8., 13-16h', 'Atelje Ismet Mujezinović', 'KUVI dijalog veterani i mladi', and the subtitle '„Iskustva iz prošlosti za mir u budućnosti“'. At the bottom, there are logos for 'PRAVI POŽAR', 'CENTAR TUZLA', and 'OMLADINSKI RESURSNII CENTAR TUZLA'. A list of bullet points describes the workshop's goals: 'Razgovor sa ratnim veteranima u cilju otvaranja dijaloga i izgradnje mira.' and 'Razumijevanja ratne traume i njenih posljedica na pojedinca/ku, porodicu i društvo.'

U okviru dijaloga koje organizujemo, aktivno radimo na uključivanju ratnih veterana i članova i članica njihovih porodica u razvoj društva. Naši modeli rada kombinovani od znanja i iskustva nude novi način rada i drugačiji pristup pojedinim ciljnim grupama. Ovaj model zasniva se na otvaranju dijaloga između veterana i mladih.

Među ciljevima KUVI programa su: upotreba veteranskih iskustava s ciljem prevencije nasilja, otvaranje dijaloga i izgradnje mira, razumijevanje ratne traume i njenih posljedica na pojedinca/ku, porodicu i društvo, razbijanje predrasuda o ratnim veteranima i mladima, davanje kredibiliteta ratnim veteranima i njihovom ratnom iskustvu u društvu, prikaz stvarne slike rata kroz ličnu perspektivu, upotreba veteranskog iskustva u razumijevanju

neprijatelja, te kritički pogled veterana prema ratu i nasilju.

KUVI dijalog u Tuzli organizujemo sa Omladinskim resursnim centrom Tuzla.

Datum održavanja: **11.08.2023. u periodu od 13-16h**

Mjesto održavanja: **Atelje Ismet Mujezinović, Klosterska bb, Tuzla**

Prijaviti se možete putem Google Forme:
<https://forms.gle/itr3ioBN8KQRwTsd8>

Nadamo se vašem što većem odazivu!



Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30-ti u mjesecu.

Adrese za slanje vaših informacija za mjesečni bilten:

**Omladinski resursni centar Tuzla
Hadži Bakirbega Tuzlića 1
75000 Tuzla
tel/fax: 035 258 077
e-mail: orctuzla@bih.net.ba**

Mjesečni bilten uređuje Omladinski resursni centar - ORC Tuzla

Urednik Biltena:
Suzana Dušanić

Prevod Biltena na
engleski: **Adnan Karamujić**

WEB stranica Mreže:
www.orctuzla.ba

Mejling lista Mreže:
omladina@orctuzla.ba

Webmaster:
anicic.dev@gmail.com

ISSN (BHS Varijanta): **2831 – 0845**

ISSN (Engleski): **2831 0853**